



Број: Т18 0 КТ 0017518 24
Брчко, 27.05.2024. године

Na osnovu člana 35 stav (2) tačka Ž) i člana 226 stav (1) Zakona o krivičnom postupku Brčko distrikta BiH, podižem:

О П Т У Ж Н И Ц У

Protiv:

K. J. K. (...)

Što je:

Dana 08.02.2024. godine, oko 11,35 časova, u ulici Mostarska, Brčko distrikt BiH, upravljajući svojim putničkim motornim vozilom marke „VW Golf“, registarskih oznaka ..., krećući se navedenom ulicom u smjeru raskrsnice „Izbor“, brzinom oko 45 km/h, pa suprotno odredbama člana 27 i člana 96 Zakona o osnovama bezbjednosti saobraćaja na putevima u BiH („Službeni glasnik BiH“ broj 6/06, 75/06, 44/07, 84/09, 48/10 i 18/13), svjesna da je dužna da drži vozilo na takvom odstojanju i rastojanju od drugih vozila u saobraćaju da, s obzirom na brzinu kretanja vozila i druge okolnosti u saobraćaju, ne izaziva opasnost i ne ometa druge učesnike u saobraćaju, te svjesna da je dužna da drži potrebno rastojanje kad se kreće iza drugog vozila tako da ne ugrožava bezbjednost saobraćaja, olako držeći da do saobraćajne nesreće neće doći, propustila da drži sigurnosni razmak od putničkog motornog vozila „VW Passat“ registarskih oznaka ..., kojim je upravljao M. A., koji se kretao ispred nje u istom pravcu, dok se na mjestu suvozača nalazio A. A., a na zadnjem sjedištu H. M. i to rastojanje najmanje u dužini od 22,5 m, pa je tako prednjim čeonim dijelom putničkog motornog vozila ostvarila kontakt sa zadnjim dijelom putničkog motornog vozila „VW Passat“, kojom prilikom je A. A. zadobio teške tjelesne povrede u vidu preloma prednje-gornjeg dijela tijela III-eg slabinskog kičmenog pršljena sa manjim pomjeranjem ulomaka, crtastog preloma donjeg lijevog fasetnog nastavka IV-og slabinskog kičmenog pršljena bez značajnijeg pomjeranja ulomaka, obostrane spondilolize (razlabavljenja) na nivou IV-og slabinskog pršljena bez znakova spondilolisteze-deformacije kičmenog stupa i nategnuća (distorzije) vratne kičme,

dakle, kao učesnik u saobraćaju na putevima, nije se pridržavala saobraćajnih propisa, pa je time iz nehata ugrozila javni saobraćaj da je dovela u opasnost život ljudi, zbog čega je kod drugog nastupila teška tjelesna povreda,

čime je učinila krivično djelo –Ugrožavanje javnog saobraćaja– iz člana 326 stav (3) u vezi sa stavom (1) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.